



Na osnovu člana 5, 6 i 7 Zakona o koncesijama (Prečišćeni tekst) ("Službene novine Zeničko-dobojskog kantona", broj: 5/03) i Odluke Vlade Kantona o pristupanju provođenju procedure dodjele koncesije za istraživanje i eksploataciju mineralne sirovine - dijabaza na lokalitetu "Željezno Polje", K.O. Prapratnica, općina Žepče, broj: 02-18-18215/16 od 03.11.2016. godine, Ministarstvo za privredu, raspisuje

**JAVNI POZIV
ZA PRIKUPLJANJE PONUDA ZA IZBOR NAJPOVOLJNIJEG PONUĐAČA –
KONCESIONARAZA DODJELU KONCESIJE ZA ISTRAŽIVANJE I EKSPLOATACIJU
MINERALNE SIROVINE – DIJABAZA NA LOKALITETU "ŽELJEZNO POLJE",
K.O. PRAPRATNICA, OPĆINA ŽEPČE**

1. PREDMET KONCESIJE

Predmet koncesije je istraživanje i eksploatacija mineralne sirovine – istraživanje i eksploatacija mineralne sirovine – dijabaza, na lokalitetu "Željezno Polje", K.O. Prapratnica, općina Žepče.

Istražno-eksploatacioni prostor ležišta "Željezno Polje" ograničen je graničnim linijama sa prijelomnim tačkama, kako slijedi:

Tačka A	Y= 6 449 133,57	X= 4 919 418,24
Tačka B	Y= 6 449 133,57	X= 4 919 500,00
Tačka C	Y= 6 449 800,00	X= 4 919 500,00
Tačka D	Y= 6 449 800,00	X= 4 919 393,41
Tačka E	Y= 6 449 701,72	X= 4 919 416,74
Tačka F	Y= 6 449 665,73	X= 4 919 387,15
Tačka G	Y= 6 449 573,48	X= 4 919 341,89
Tačka H	Y= 6 449 526,68	X= 4 919 335,32
Tačka I	Y= 6 449 503,40	X= 4 919 364,41
Tačka J	Y= 6 449 449,24	X= 4 919 394,78
Tačka K	Y= 6 449 391,25	X= 4 919 385,35
Tačka L	Y= 6 449 319,91	X= 4 919 410,24
Tačka M	Y= 6 449 290,65	X= 4 919 444,79
Tačka N	Y= 6 449 202,03	X= 4 919 408,48
Tačka A	Y= 6 449 133,57	X= 4 919 418,24

Površina istražno-eksploatacionog prostora na kojem će se realizirati koncesioni projekat je **58.546 m²**, a lociran je na k.č.51/1, k.č.51/106 i k.č.586 K.O. Prapratnica, općina Žepče i ima neposredni kontakt sa istražno – eksploatacionim poljem za koje je već dodijeljena koncesija koncesionaru "Dim Kamenolom" d.o.o. Žepče, površine 12.600 m², te je ukupna površina lokacije omeđene prijelomnim tačkama 71.146 m².

OPIS PROJEKTA

Koncesionar će imati mogućnost realizirati projekat, zasnovan na predmetu koncesije, a to je istraživanje i eksploatacija mineralne sirovine – dijabaza, na navedenom lokalitetu, te na taj način realizirati proizvodnju niza proizvoda značajnih za ekonomski i privredni razvoj Zeničko-dobojskog kantona i Bosne i Hercegovine. Procjenjuje se da bi ovim projektom bio uposlen veći broj domicilnog stanovništva. Prema rezultatima ranijih istražnih radova na ležištu je ustanovljeno da postoje značajne rezerve dijabaza. Sa iskopom i proizvodnjom dijabaza od minimalno 30.000 m³/godišnje, vijek trajanja rudnika je minimalno 12 godina, s tim da će koncesionar dopunskim istraživanjima ovaj vijek značajno produžiti prevođenjem vanbilansnih u bilansne rezerve, te dopunskim istraživanjem okolnih lokaliteta koji nesumnjivo postoje.

2. PRAVO UČEŠĆA

Pravo učešća na ovom javnom pozivu imaju domaća i strana pravna lica koja su registrirala firmu u Bosni i Hercegovini i imaju registrovanu djelatnost iz područja rudarstva.

3. VRIJEME TRAJANJA KONCESIJE

Vrijeme trajanja koncesije na istraživanje i eksploataciju je 12 godina, od čega do 2 godine na istraživanje (prikupljanje i izrada projektne dokumentacije, bušenje, sanacija i izgradnja pristupnog puta i td.), računajući od dana potpisivanja koncesionog ugovora, s tim da Vlada Zeničko-dobojskog kantona vrijeme eksploatacije može produžiti još za polovinu vremena na koje je data koncesija, bez objavljivanja novog javnog poziva.

5. KRITERIJI ZA IZBOR NAJPOVOLJNIJEG PONUDAČA

OPĆI ELIMINATORNI USLOVI

Opći eliminatorni ulovi za izbor najpovoljnije ponude za dodjelu koncesije na istraživanje i eksploataciju mineralne sirovine – dijabaza na predmetnom lokalitetu su:

- a) Dokaz o uspješnom poslovanju ponuđača u posljednje tri poslovne godine (Bilans stanja i Bilans uspjeha);
- b) Garancija banke na iznos vrijednosti minimalne jednogodišnje eksploatacije mineralne sirovine – dijabaza prema ponuđenoj cijeni koncesione naknade, sa rokom važenja do 90 dana;
- c) Dokaz o uredno izmirenim javnim prihodima (porezima, doprinosima, koncesionim naknadama):
 - Dokaz o uredno izmirenim obavezama prema Budžetu Zeničko-dobojskog kantona ne stariji od 60 dana, računajući od dana prijave na Javni poziv;
 - Dokaz o uredno izmirenim porezima, ne stariji od 60 dana, računajući od dana prijave na Javni poziv;
 - Dokaz o uredno izmirenim doprinosima za PIO/MIO, te za zdravstveno osiguranje, ne stariji od 60 dana, računajući od dana prijave na Javni poziv;
- d) Studija o ekonomskoj opravdanosti dodjele koncesije na istraživanje i eksploataciju mineralne sirovine - dijabaza na lokalitetu “Željezno Polje”, K.O. Prapratnica, općina Žepče, urađena prema Načelnom sadržaju koji je uradilo Ministarstvo za privredu;
- e) Ovjerena izjava da se pod krivičnom i materijalnom odgovornošću obavezuje omogućiti realizaciju projekata od općeg interesa, za koje Općinsko vijeće Žepče iskaže interes;
- f) Ovjerena izjava Koncesionara, čije istražno-eksploataciono polje graniči sa istražno-eksploatacionim poljem iz predmeta ovog Javnog poziva (“Dim Kamenolom” d.o.o Žepče), o spremnosti regulisanja međusobnih obaveza i odgovornosti u provođenju mjera zaštite na radu i zaštite zdravlja zaposlenika, data u skladu sa članom 17. stav (4), Zakona o rudarstvu Zeničko-dobojskog kantona („Službene novine Zeničko-dobojskog kantona “, broj: 10/12).

POSEBNI USLOVI

Posebni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine – dijabaza su:

- a) Za eksploatisane količine mineralne sirovine - dijabaza, koncesionar je dužan plaćati kontinuiranu koncesionu naknadu u iznosu od **minimalno 0,82 KM/m³ čvrste mase** (slovima: nulazarezosamdesetdvije konvertibilne marake po metru kubnom čvrste mase);
Ponuda sa najvišim iznosom boduje se sa **60 bodova**.
- b) Minimalna količina eksploatisane mineralne sirovine - dijabaza, za koju je koncesionar obavezan plaćati kontinuiranu koncesionu naknadu je **30.000,00 m³/godini čvrste mase dijabaza**, (slovima: tridesethiljada metara kubnih po godini čvrste mase dijabaza);
Ponuda sa najvišim iznosom realizacije jedinice mjere predmeta koncesije u toku kalendarske godine boduje se sa **20 bodova**.

- c) Minimalna jednokratna (fiksna) koncesiona naknada po metru kvadratnom istražno-eksploatacionog prostora ležištu "Željezno Polje", K.O. Prapratnica, općina Žepče je **10.000,00 KM/ha** (slovima: desethiljada konvertibilnih maraka po hektaru). Ponuda sa najvišim iznosom minimalne jednokratne (fiksna) koncesione naknade po hektaru istražno-eksploatacijskog prostora ležišta boduje se sa **20 bodova**.

Napomena: Minimalni zbir bodova najpovoljnijeg ponuđača ne može biti manji od 70% maksimalnog broja bodova u skladu sa članom 2. Pravila o postupku dodjele koncesija ("Službene novine Federacije BiH", broj: 68/06).

Distribucija bodova vršit će se prema proporcionalnom principu.

4. POSTUPAK IZBORA NAJPOVOLJNIJE PONUDE

Izbor najpovoljnijeg ponuđača obaviti će Komisija u skladu sa Zakonom i Pravilnikom za ocjenu najpovoljnije ponude za dodjelu koncesije ("Službene novine Zeničko-dobojskog kantona", broj: 3/03).

5. SPISAK POTREBNIH DOZVOLA I DRUGIH AKATA

Najpovoljniji ponuđač dužan je prije potpisivanja koncesionog ugovora Ministarstvu za privredu dostaviti:

- snimak „nultog stanja“ istražno-eksploatacionog polja,
- geodetski elaborat sa identifikacijom parcela,
- uplatnicu za jednokratnu naknadu,
- ovjerenu mjenicu sa mjeničnom izjavom na iznos od 50.000,00 KM.

Najpovoljniji ponuđač - koncesionar dužan je odmah nakon potpisa Koncesionog ugovora obezbijediti:

- upis Koncesionog ugovora u Zemljišne knjige i dostaviti ZK uložak Ministarstvu za privredu, a u daljnjim upravnim postupcima i:
 - urbanističku/gradevinsku saglasnost za realizaciju projekta zasnovanog na korištenju predmeta koncesije, izdatu od ovlaštenog organa,
 - vodoprivrednu saglasnost, izdatu od ovlaštenog organa,
 - šumarsku saglasnost, izdatu od ovlaštenog organa,
 - okolinsku dozvolu,
 - saglasnost Zavoda za zaštita spomenika.

6. NAČIN DODJELE KONCESIJE

Koncesija će se dodijeliti prema kriteriju najpovoljnijeg ponuđača tj. po principu najvećeg zbira bodova tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, kao i na osnovu općih kriterija dodjele koncesije za istraživanje i eksploataciju mineralne sirovine – dijabaza, na lokalitetu ležištu "Željezno Polje", K.O. Prapratnica, općina Žepče.

7. PREUZIMANJE TENDERSKE DOKUMENTACIJE

Dio tenderske dokumentacije se može preuzeti svakim danom od 9:00 do 15:00 sati u Ministarstvu za privredu Zeničko-dobojskog kantona.

9. ROK ZA DOSTAVLJANJE PONUDA

Vrijeme trajanja Javnog poziva je **30 dana**.

Krajnji rok za dostavljanje ponuda, do kada ponude trebaju biti zaprimljene na Protokolu Vlade Kantona, je **28.12. 2016. godine do 16⁰⁰ sati** po centralnoevropskom vremenu. Ponude podnesene poslije ovog roka neće biti razmotrane i vratit će se ponuđaču neotpakovane.

Zapečaćene ponude dostavljaju se na adresu:

ZENIČKO-DOBOJSKI KANTON
MINISTARSTVO ZA PRIVREDU
Komisija za koncesije
NE OTVARATI!

ul. Kučukovići br. 2
Zenica

10. OTVARANJE PONUDA

Otvaranje ponuda održat će se dana **29.12. 2016. godine, sa početkom u 10,⁰⁰ sati**, u prostorijama Vlade Kantona, broj: 301, ul. Kučukovići br. 2. Zenica.

Sve dodatne informacije mogu se dobiti u Ministarstvu za privredu, telefoni: 032/460-720 i 032/460-721 ili fax: 032/460-722, E-mail: min.privreda@zdk.ba; veb stranici: www.zdk.ba.